

فريق التفريغات



سلسلة ندير سورة الحجرات

تلخيص

المحاضرة الثانية

رقم واحد في حياتك

نريد أن نفهم كيف نتعايش بالقرآن مثل إن إحنا نحول القرآن ده إلى واقع يغير أنفسنا نغير ما حولنا .

﴿ سورة الحجرات بتتكلّم في صفات المجتمع الإسلامي المثالي وهي تعرضت لخمس نداءات اللي هو (يَا أَيُّهَا الَّذِينَ آمَنُوا لَا تَقْدُمُوا بَيْنَ يَدَيِ اللَّهِ وَرَسُولِهِ) و (يَا أَيُّهَا الَّذِينَ آمَنُوا لَا تَرْفَعُوا أَصْوَاتَكُمْ فَوْقَ صَوْتِ النَّبِيِّ) و (يَا أَيُّهَا الَّذِينَ آمَنُوا إِنْ جَاءَكُمْ فَاسِقٌ بِنَبَأٍ فَتَبَيَّنُوا) (يَا أَيُّهَا الَّذِينَ آمَنُوا لَا يَسْخَرْ قَوْمٌ مِّنْ قَوْمٍ) (يَا أَيُّهَا الَّذِينَ آمَنُوا اجْتَنِبُوا كَثِيرًا) وبعد ذلك (يَا أَيُّهَا النَّاسُ أَنَا خَلَقْنَاكُمْ مِّنْ ذَكَرٍ وَأُنْثَى) .

لكي نحكم علي المجتمع نحكم من خلال:

١. علاقة هذا المجتمع بالله.
 ٢. علاقة هذا المجتمع بالنبي .
 ٣. علاقة أفراد المجتمع ببعضهم البعض .
- وأفراد المجتمع إمّا مؤمن أو فاسق (فاسق مضر شخص يضر المجتمع وشخص نافع في المجتمع)

﴿ فتجد إن النداءات الخمس اشتملت على هذه الأركان الخمسة العلاقة مع الله جل في علاه (يَا أَيُّهَا الَّذِينَ آمَنُوا لَا تَقْدُمُوا بَيْنَ يَدَيِ اللَّهِ وَرَسُولِهِ) ، والعلاقة مع النبي عليه الصلاة والسلام (يَا أَيُّهَا الَّذِينَ آمَنُوا لَا تَرْفَعُوا أَصْوَاتَكُمْ فَوْقَ صَوْتِ النَّبِيِّ)

✓ وبعد ذلك بيكلّمنا عن الفاسق وكلّمنا عن الفاسق قبل المؤمن لأن ضبط العلاقة مع الفاسق أهم من ضبط العلاقة مع المؤمن لأن الفساد إذا وقع بين المؤمنين لن يصل إلى فساد عام في المجتمع وأما إذا حصل مشكلة مع الفاسق فالفساد قد يؤدي للمجتمع إلى الهلاك التام .

لأن المؤمنين مهما كانوا حريصين على بقاء المجتمع سليم وأما الفاسق ممكن يدمر المجتمع بالكذب وبالإيقاع بين المؤمنين

✓ بعد ذلك جاءت العلاقة بين المؤمنين وبعضهم وهي السخرية واللمز والتلامز بالألقاب وسوء الظن والتجسس والغيبة .

✓ وبعد ذلك تكلم على الإيمان :

هذه السورة لها علاقة قوية جداً بسورة الفتح لأن سورة الفتح بتتكلّم عن عوامل النصر وتكلّمت عن الإيمان بالله وبالرسول عليه الصلاة والسلام وتوقير الرسول عليه الصلاة والسلام ، وتكلّمت عن قوة العلاقة في هذا المجتمع علاقة المجتمع ببعضه القوية جداً أعتقد إن كل أمر في سورة الفتح في أمر بالنهي عن ضده في سورة الحجرات .

وكأن المعنى إن سورة الفتح بتقول كيف تنتصر ، وسورة الحجرات كيف تحافظ على النصر .

📌 موضوع سورة الحجرات :

وهو صلح الحديبية الكبير كان حصل إن النبي عليه الصلاة والسلام قبل الصلح مع قريش بشروط مجحفة جداً لدرجة إن الصحابة كلهم مكانوش قابلين الصلح ده إلا ما كان من أبي بكر رضي الله عنه وأرضاه وكله كان في نفسه شئ من قبول الصلح ده .

وكانوا متخيلين إن الموضوع مش هيمشي أكيد هينزل وحي وده أكيد ده اجتهد من النبي عليه الصلاة وأكيد الوحي هيقول له حاجة فكله مش مصدق إزاي النبي عليه الصلاة والسلام يقبل صلح مجحف زي ده لدرجة نرجع ثاني المدينة ونيجي السنة الجاية علشان نعمل عمرة وأي حد يجي مسلم من مكة نرجعه ثاني لمكة وأي حد يجي مرتد من المدينة ما يرجعوش ثاني بس كان فيه بند كان مهم جداً وهو إن في هدنه عشر سنين بين قريش وبين النبي عليه الصلاة والسلام ميقاش في أي حرب ابداً

وهو ده أهم بند النبي عليه الصلاة والسلام كان متمسك به وهو ده المصلحة الكبيرة اللي كان النبي عليه الصلاة والسلام شايفها وكان الصحابة مش شايفينها .

وبالتالي حصل نفور من قبول الصلح رغم إن قبول الصلح ده كان وحي من الله سبحانه وتعالى بدليل إن النبي عليه الصلاة والسلام لما سيدنا عمر جاء له كلمه قال يا عمر أني رسول الله ولست أعصيه فدل ذلك إن قبول الصلح كان

بوحى من الله مش اجتهاد من النبي عليه الصلاة والسلام، كان وحى من الله سبحانه وتعالى إن هذا الصلح يقبل .

رغم إن عمر رضي الله عنه عرف كده مازال في نفسه شيء ودي بقى المشكلة اللي حصلت لعمر بيقول عملت لذلك أعمالاً إزاي أنا بعد ما قال لي كلمة زي دي وقال لي أني رسول الله فبرضه رحت سألت أبو بكر إزاي هو عمل كده لكن هو كان الموقف صعب راح فعلا سأل أبو بكر برضو رد عليه ووجه لنفس الكلام قال إنه رسول الله ليس أعصيه وهو ناصره

ثم زاد أبو بكر الكلمة قال يا عمر فالزم غرسه (الخير في طاعة النبي عليه الصلاة والسلام) ، إن الله لا يأمر بالشر أبداً وإذا أوحى النبي عليه الصلاة والسلام أمراً فاعلم إن فيه الخير لغاية ما النبي عليه الصلاة والسلام هو بنفسه تحرك وحلق فبدأوا بعد كده يستجيبوا .

نزلت سنة تسعة بعد فتح مكة يعني بعد ما الصحابة شافوا بركات الصلح تقريباً كلها لأن صلح الحديبية ترتب عليه هدنة عشر سنين ترتب عليها :

- أنفراجة في الدعوة إلى الله سبحانه وتعالى.
- انتشار كبير جداً في الدعوة إلى الله في الجزيرة واللي مخبي الإسلام أظهر إسلامه واللي مكنش عايز يسلم ومتردد أسلم وبدأ النبي عليه الصلاة والسلام يبعث الرسائل للملوك والأمراء .
- النبي عليه الصلاة والسلام تفرغ لليهود لأنه مش صلح مع اليهود فراح فتح إيه خير.

🕐 الصلح كان سنة ستة .

🕐 فتح خيبر سنة سبعة .

🕐 فتح مكة سنة ثمانية .

لذلك ربنا ربط الكلام ده بسورة الفتح قال (لَقَدْ رَضِيَ اللَّهُ عَنِ الْمُؤْمِنِينَ إِذْ يُبَايِعُونَكَ تَحْتَ الشَّجَرَةِ)

← البيعة ليها قصة إن سيدنا عثمان دخل مكة عشان يحاول يفاوز قريش في أثناء صلح الحديبية كان لسه ما استقرش الصبح حاول يفاوزهم أتأخر جامد فجت إشاعة إن عثمان قُتل فالنبي عليه الصلاة والسلام قال لا

الموضوع كده مفيهوش كلام وبايع الصحابة على القتال ، لو فعلاً عثمان قُتل فلا بد إن ناخذ بثأر عثمان وبايع الصحابة تحت شجرة في هذا المكان وكل بايعه على الموت فرضي الله عنه في هذا الموقع

(وَعَدَكُمُ اللَّهُ مَغَانِمَ كَثِيرَةً تَأْخُذُونَهَا فَعَجَّلَ لَكُمْ هَذِهِ وَكَفَّ أَيْدِيَ النَّاسِ عَنْكُمْ وَلِتَكُونَ آيَةً لِّلْمُؤْمِنِينَ وَيَهْدِيَكُمْ صِرَاطًا مُّسْتَقِيمًا)

العلماء فسروا مغانم كثيرة تأخذونها بفتح خبير وإن كان من مكافأة استجابة الصحابة يوم الحديبية إن الله سيكافئهم بفتح خبير ربنا سماه فتحاً قريباً.

ماذا ترتب على صلح الحديبية ؟

- ترتب فتح خبير وترتب عليه أنتشار الدعوة إلى الله.
- المسلمين بعد ما كانوا ألف وأربعمائة في فتح مكة كانوا في فتح مكة عشر آلاف يعني بعد أقل من سنتين من صلح الحديبية.
- قريش هي اللي خانت العهد في النهاية وترتب على ذلك إن النبي عليه الصلاة والسلام فتح مكة.
- المسلمين اللي كانوا بيطلعوا من مكة يروحوا المدينة النبي عليه الصلاة والسلام يقول لهم مش هقدر أستقبلكم.
- وأشار إليهم إن أنتم ممكن تروحوا حنة ثانية وبالفعل بدأوا يجتمعوا على شاطئ البحر الأحمر لغاية ما عملوا جماعة كبيرة وبدأوا يهددوا تجارة قريش اللي رايحة واللي جاية لغاية ما قريش راحت للنبي عليه الصلاة والسلام وقالت له خذ الناس دي مش عايزينهم خلاص إحنا البند ده نلغيه من المعادلة
- وأما العمرة فعملوها في السنة اللي بعدها وهي نفس السنة اللي فتحوا فيها خبير .

لذلك تعالي في أول سورة الحجرات (يَا أَيُّهَا الَّذِينَ آمَنُوا لَا تَقَدَّمُوا بَيْنَ يَدَيِ اللَّهِ وَرَسُولِهِ) أما تستوعب أنت بقى الدنيا تقول فعلاً إن الخير كله في طاعة النبي عليه الصلاة وإن غابت عنك الحكمة!!

(يَا أَيُّهَا الَّذِينَ آمَنُوا لَا تَقَدَّمُوا بَيْنَ يَدَيِ اللَّهِ وَرَسُولِهِ) هذه الآية أيضاً كانت سبب الأساسى وهو موقف أبي بكر لعمر أمام النبي عليه الصلاة والسلام لما أرتفعت أصواتهم أمام النبي عليه الصلاة والسلام سنة تسعة كان فيه وفود

تأتي للنبي عليه الصلاة والسلام تسلم ، فكان من عادة النبي عليه الصلاة والسلام اللي بيعين عليهم أمير فاختلف أبو بكر وعمر في هذا الأمير .
 فقال أبو بكر يا رسول الله أمر الققعاع ابن معبد ، وقال عمر بل أمر الاقرع ابن حارث فالتفت أبو بكر قال ما أردت إلا خلافي ؟ فقال والله ما أردت خلافك فأرتفعت الأصوات أمام النبي عليه الصلاة والسلام فنزلت (يَا أَيُّهَا الَّذِينَ آمَنُوا لَا تَقَدَّمُوا) (يَا أَيُّهَا الَّذِينَ آمَنُوا لَا تَرْفَعُوا أَصْوَاتَكُمْ) .
 السورة نزلت في أبي بكر وعمر وقال ابن أبي مليكة وهو يحكي الحديث قال كاد الخيران إن يهلكا أرتفعت أصواتهم في حضرة رسول الله صلى الله عليه وسلم فنزل فيهم قول الله تعالى .
 (وَمَا يَنْطِقُ عَنِ الْهَوَىٰ ، إِنْ هُوَ إِلَّا وَحْيٌ يُوحَى) كأن هذه الآية تقول أنتم ولو كنتم جميعاً بإيمان أبي بكر وعمر فإن عدم عودتكم إلى الرسول عليه الصلاة والسلام ستوقع بينكم الخلاف اليوم أو غداً لابد إن يكون هناك مرجعية أعلى بكتير مننا كلنا .

شروط المرجعية :

- ✓ الشرط الأول: إنها تكون واحدة.
 - ✓ الشرط الثاني: أن تكون لا تخطئ .
 - ✓ الشرط الثالث: أن يكون بيننا وبينها فرق شاسع في العلم والحكمة.
- وغير ذلك هذه المرجعية لا تخطئ أبداً لأنها من الله سبحانه وتعالى الله الذي خلق الإنسان علمه البيان ، وهذه المرجعية لن تكون إلا إذا كانت بالكتاب والسنة فقط

❦ خلينا نقف مع النداء الأول (يَا أَيُّهَا الَّذِينَ آمَنُوا)

(يا) حرف نداء المنادي إنما ينادي على الشخص البعيد ، فهذا النداء من رب العالمين إلى المؤمنين .
 العلماء لما بيتكلموا في تفسير البعد يقول ربنا ليه ينادي النداء البعيد رغم إن ربنا نفسه قريب من المؤمنين !!

قال ينادي المنادي البعيد إما لمعنيين :

- **المعنى الأول:** أنه يبين البون الشاسع بين مقام الربوبية ومقام العبودية

- **المعنى الثاني:** قالوا لأن رفعة المؤمنين ملهاش علاقة بالله المهم لرفعة المؤمنين عن غيرهم فناداهم فكان لهم شأن هؤلاء المؤمنون.

إزاي تتعامل مع النداء ؟

عبدالله بن مسعود راح لرجل قال أوصني فقال أوصيك (إذا سمعت الله تعالى يقول يا أيها الذين امنوا فارعيها سمعك فإنها إنما خيرٌ تؤمر به أو شرٌ تنهى عنه) .

← أي نداء بياخذ قوته من عدة أمور أول قوة له من المنادي :

- **من الذي ينادي** ، من المتكلم ، إذا ابنك غير زوجتك غير رئيسك في العمل غير وزير غير ملك .

- فالمنادي نفسه بيؤثر في **رد فعلك على النداء** : فانت عندما تسمع هذا النداء وتستحضر إن الذي تكلم بهذه الكلمة هو الله جل في علاه وأنت الذي تنادى وهو سبحانه وتعالى العلي القوي القدير الخالق الرازق الوهاب ذي الجبروت والملكوت المفترض أنت تنتبه إزاي كل جوارحك وكل مشاعرك تركز جداً.

- **غرض النداء** لأن هناك شخص ممكن يناديك مثلاً ليعطيك شيئاً يناديك ليحذرك من شيء ، فالله سبحانه وتعالى عندما ينادينا الموضوع بيبقى مهم أوي لأن الموضوع هنا بيرتبط الجنة والنار نجاتك من النار ودخولك الجنة الفوز العظيم أو الخسران المبين حياتك أو هلاكك .

- آخر حاجة بيتأثر بيها المنادي **حبه للمنادي** بيؤثر في استجابتك .

ما بالك لو اجتمعت الثلاثة بقى حبك لله مع قدر الله نفسه مع خطورة الموضوع!!

الله تعالى عندما نادانا بصفة الإيمان كان ممكن ينادينا بأي صفة أخرى ولكنه سبحانه وتعالى نادانا بصفة الإيمان. ليه يعني المفترض إن أهل الإيمان يكون أحب شيء اليهم لقب الإيمان نفسه وإلا قربنا قال وحبب إليكم الإيمان

الله أعظم الصفة إن الله يمن على أهل الإيمان بالإيمان .

لذلك ربنا مثلاً جل وعلا كان يخاطب اليهود إزاي يقول لهم إيه هما مش

مؤمنين هنتقل لصفة ثانية يا أما يا أهل الكتاب يا أما يا بني إسرائيل عليه ؛ لأن الاثنين دول أحسن صفتين عندهم هم معندهم إيمان ما لازم برضو بحاول أستجلب قلوبهم ندور على حاجة هي حق وفي نفس الوقت إيه تميل قلوبهم يا أهل الكتاب وده حق هم أهل الكتاب أه حرفه بدله بس ما زالوا منسوبين إلى الكتاب .

(لَا تَقْدُمُوا بَيْنَ يَدَيِ اللَّهِ وَرَسُولِهِ) ابن عباس أختصرها قال لا تقولوا بخلاف الكتاب والسنة. (سبحانه وتعالى لا يغيب عن علمه أي شيء)

(وَلَا تَقُولُوا لِمَا تَصِفُ أَلْسِنَتُكُمُ الْكَذِبَ هَذَا حَلَالٌ وَهَذَا حَرَامٌ لَنُفْتَرُوا عَلَى اللَّهِ الْكَذِبَ إِنَّ الَّذِينَ يَفْتَرُونَ عَلَى اللَّهِ الْكَذِبَ لَا يُفْلِحُونَ، مَتَاعٌ قَلِيلٌ وَلَهُمْ عَذَابٌ أَلِيمٌ) فهذه من سورة الإنسان يتجراً على شرع الله سبحانه وتعالى

(وَأَنْ تَقُولُوا عَلَى اللَّهِ مَا لَا تَعْلَمُونَ) فالإنسان يحذر جداً من الكلام في الدين أحذر جداً من أن تقول حلال وحرام لأن كلمة حلال وحرام ليست توقيعاً عنك أنت إنما هو توقيع عن رب العالمين .

أثر ابن عباس المشهور ابن عباس كان في أيام عبدالله ابن الزبير ابن العوام وكان عبدالله في الوقت له وضع كبير جداً في الأمه فالمهم عبدالله كان يفتي الناس في موسم الحج بالألا يتمتعوا التمتع في الحج ببساطه إن أنت لما تروح تحج تعمل عمرة الأول وبعد كده تحل من أحرامك عادي وتغتسل وتلبس هدومك عادي وتجي يوم تمانية اللي هو يوم التروية أول يوم في أيام الحج بتحرم ثاني وتعمل الحج عادي .

فكان عبدالله بن زبير ينهى الناس عن التمتع يقول لهم لا ما تعملوش الصفة دي وابن عباس كان يأمر الناس بالتمتع في نفس الوقت طبعاً سلطة عبدالله عالية جداً ابن عباس عالم عندها لكن عبدالله عالم وله سلطة على الناس فطبعاً إن هو يفتي كده ده خلاف مذهب إيه مذهب الخليفة عبد الله بن الزبير

فقال عبدالله بن عباس يا ابن الزبير ستفتن الناس أنا بقول لهم حاجة وأنت بتقول عكسها عليه ، فرد عبد الله بن الزبير رد قوي قال لقد كان يفتي بذلك أبو بكر وعمر ، فرد ابن عباس بقى فقال توشك أن تقع عليكم حجارة من السماء كان النبي عليه الصلاة والسلام يتمتع أو كان يأمر بها كان لا ينهى عنها أقول لك قال رسول الله صلى الله عليه وسلم وتقول لي قال أبو بكر وعمر قال إيه أبو بكر وعمر فوضع ابن عباس قاعده جليلة الشافعي رحمه الله كان مرة

خارج من المسجد وقف واحد قال يا شافعي ماذا تقول في مسألة كذا وكذا؟
فقال الشافعي قال رسول الله صلى الله عليه وسلم كذا وكذا وكذا

الرجل قال وماذا تقول أنت يا شافعي ؟ فراح اتترفز بقى الشافعي أحمر وجهه
وقال يا فلان أتراني خرجت من كنيسة أتراني خرجت من معبد يهود أتراني
ربطت على وسطي زناراً أقول لك قال رسول الله وتقول لي ماذا تقول يا
شافعي

- نقول لكل واحد لو كان المذهب فعلاً مخالف الكتاب والسنة مخالفة صريحة
وأصر نقول له أنت على غير مذهبك .

- مثلاً حنفي مثلاً من الأحناف مثلاً وكان وجد في مذهب أبو حنيفة حاجة
معينة فيها مخالفة صريحة فعلاً ما فيهاش كلام وكل علماء أنكروا
المسألة دي هو أصر قال لك لا انا على مذهب أبو حنيفة خلاص
هنقول له أنت كده مش على مذهب أبو حنيفة. ليه ؟

هنقوله أبو حنيفة نفسه قال في حياته إذا وجدتم كلامي مناقض الكتاب والسنة
فيما معناه فأضربوا بكلامه عرض الحائط أو قال أو خالفوا مذهبي.

← الشاعر بيصف أحوال الأئمة الأربعة فيقول قال أبو حنيفة الإمام لا ينبغي
لمن له أسلام أخذاً بأقواله حتى تعرض على الكتاب والحديث المرتضى.

← والشافعي قال إن رأيتموه قلوا مخالفاً لما رويتم من الحديث فأضربوا
الجدار بقولي المخالف الأخباري وأحمد قال لهم لا تكتبوا ما قلته بل أصل
ذاك فأطلبوا

هـ أولاً البدع :

هو على الإمام الشاطبي لما يعرف البدعة قال هي طريقة في الدين مخترعه
يقصد بها التقرب إلى الله جل في علاه ، فالبدعة بتكون في الدين عمرها ما
تكون في الدنيا يقصد صاحبها بالسلوك فيها مزيد من التقرب إلى الله ودي
مشكلة البدع إن المبتدع بيظن انه كذا بيقرّب من الله عشان كده قال وتوبة
العاصي اسهل من توبة المبتدع ؛ لأن البدعة شكلها من الدين فأنت إزاي
تكلمني في موضوع إيه دين والبدع عشان تبقى فاهم برّدو عشان في حنة
بيحصل فيها مشكلة في حاجة اسمها البدع نوعين بدعة أصلية وبدعة فرعية.

البدعة الأصلية : هي التي ما لها أصل خالص في الدين.

لكن البدعة الفرعية : التي بتخذع شوية اللي هي البدعة الفرعية بتبقى أصلها ثابت بس هو عمل عليها فرع كده إيه أختراع شوية مثلاً الصيام ، الصيام عبادة ولا مش عبادة

□ عبادة تمام تخصيص يوم معين للصيام من غير دليل بدعه قيام الليل عبادة ولا مش عبادة □ عبادة تخصيص يوم معين لقيام الليل وجعل فضل لليوم ده عن الايام الثانية بدعه

بتيجي تكلم واحد تقول له بدعة يقول لك يعني قيام الليل حرام فيروح إيه داخل فيك شمال فإيه تتلبش تقول له لا طبعاً مش حرام يقول لك خلاص إيه مشكلة بقي فلازم ترد عليه تقول له أنا مش بنكر عليك قيام الليل أنا بنكر عليك حاجة فرع عن قيام الليل إنك أنت خصصت اليوم ده بالذات للقيام

← الإمام مالك كما يروي عنه في الأثر قال من أتبع في دين بدعة يرى إنها حسنة فقد زعم إن محمداً خالف الرسالة فإن الله تعالى يقول (الْيَوْمَ أَكْمَلْتُ لَكُمْ دِينَكُمْ وَأَتَمَمْتُ عَلَيْكُمْ نِعْمَتِي وَرَضِيتُ لَكُمُ الْإِسْلَامَ دِينًا)

فدي من صور التقديم بين يدي الله ورسوله إن أنت تعمل حاجة في الدين تخترعها شايفها حلوة وإيه المشكلة بنقرب لربنا يا أخي بنعبد ربنا مانعبدش ربنا نقولك اعبده إحنا ما ننفعش أنت تعمله إنك تعبد هواك لأن أنت جبت حاجة ليست علي الكتاب والسنة إنما أنت الذي اخترعتها في شبهات بقي في الحنة دي

مثلاً حد يجي يقول لك ما في بدعة حسنة تقول له الكلام ده غلط لعدة أسباب:

- **أول سبب:** النبي عليه الصلاة والسلام قال كل بدعة ضلالة

- **الأمر الثاني:** هذا الحسن من الذي يحكم عليه من هي قول عليها حسنة .

✓ شبهة تانية انه يقول لك النبي عليه الصلاة والسلام قال (من سن في الإسلام سنة حسنة فله أجرها وأجر من عمل بها)

🔪 قصة الموضوع ده إن النبي عليه الصلاة والسلام كان قاعد في المسجد فدخل ناس المسجد شكلهم فقير جداً دا اللي هما لابسين جلود من شدة الفقر

فالنبي عليه الصلاة والسلام صعد على المنبر وحث الناس على الصدقة فلم
يقم أحد كان في فقر ولا تردد أي سبب منعرفش المهم محدش قام ثم قام رجل
ودخل بيته وجاء إلى النبي عليه الصلاة والسلام بصرة من الأموال حتى
كانت يده يعني إيه مقدرتش يده تشيلها ووقعت اللي هي الحاجة دي قدام النبي
عليه الصلاة والسلام فيها ذهب كتير بعد كده قام كل الناس أول ما شافوا
الراجل ده أتشجعوا كلهم فالكل جاب ما يملكوا واتملت الدنيا قدام الرسول
فابتسم النبي عليه الصلاة والسلام وفرح فقال من سن في الإسلام سنةً حسنةً
فله أجره وأجر من عمل بها ☺

□ أحيا سنة موجودة بس إيه ماتت ولو مؤقتة ولو ماتت دلوقتي هي دلوقتي
كانت خلقة سنة ميتة مفيش حد قال فجه واحد أحياها راحت تصدق وجه كله
قام اللي أحيا السنة دلوقتي هو الراجل ده هياخد أجر كل الناس اللي قامت دي
هو عمل حاجة جديدة في الدين صدقة مفيش حاجة جديدة

من أسباب نزول الآيات :

- قيل نزلت هذه الآية في قوم من الصحابة قالوا لو أنزل الله كذا في كذا
يقترح على الله هوى ، فربنا يقول لهم لا تقدموا بين يدي الله ورسوله
أنت في فرق بينك كبير بين ربنا أنت تسمع وخلص وسمعك له أحذر
من تقديم الهوى على أمر الله تعالى.

(لَا تُقَدِّمُوا بَيْنَ يَدَيِ اللَّهِ وَرَسُولِهِ وَاتَّقُوا اللَّهَ)

لازم تقول لنفسك هي الآيات دي نزلت في مين في أي في أبي بكر وعمر.
مين اللي قاله دلوقتي اتقوا الله ؟ أبو بكر وعمر فلو قالت لك عادي تتقال في
النبي عليه الصلاة والسلام. يا أيها (يَا أَيُّهَا النَّبِيُّ اتَّقِ اللَّهَ وَلَا تُطِعِ الْكَافِرِينَ
وَالْمُنَافِقِينَ) وأتقلت لأبي بكر وعمر (وَاتَّقُوا اللَّهَ إِنَّ اللَّهَ سَمِيعٌ عَلِيمٌ) ، فهذه
الكلمة مفهاش أي مشاكل هقولك اتقي الله ممكن تبقى أبو بكر وعمر وأنا اتقي
الله عملت حاجة صغيرة غلط يا أخي بفكرك بالله متستكبرش على الكلمة دي
قد إيه عملت إيه أنت ليه كده خليك هين لين كده اتقي الله .

والتقوى إن تجعل بينك وبين الله وقاية والوقاية دي ترك المحرمات لأن هذا
الذي يغضب الله سبحانه وتعالى تعمل الطاعات و تترك المحرمات كذا تعمل

بينك وبين ربنا وقاية .

(إِنَّ اللَّهَ سَمِيعٌ عَلِيمٌ)

ارتباط أسماء الله الحسنى وتأثيره على استجابتك.

طب إليه اللي خلاه يستجيب؟ إن الله سميع عليم سميع لأقوالكم عليم بأفعالكم. وكل ده بيتسجل ما هو العليم ده هيعمل إيه هيكذب وكل ده هيكذب فاحساسك انه سميع عليم يعمل لك حالة من المراقبة الدائمة المراقبة الدائمة للخواطر لفترات السلامة لسلوك الافعال دايماً كل حاجة بتعملها تسأل نفسك هل أنا كده موافق للكتاب والسنة ولا أنا مخالف ليه

هل أنا مقدم الهواء ولا مقدم الشرع ، ربنا سامعني ربنا عليم حتى بالحوار اللي بيدور في صدري فخلى ربنا يرى منك ما يحب ويرضى طالما هو بيسمع ويعلم فليسمع منك خيراً وليعلم عنك خيراً ليعلم الله في قلوبكم خيراً يؤتيكم خيراً مما أخذ منكم ويغفر لكم والله غفور رحيم .

سبحانك اللهم وبحمدك لا إله إلا أنت نستغفرك ونتوب إليك.